

ქ. თბილისი

21 ოქტომბერი 2013 წ.

ერთი მხრივ, სსიპ "მასწავლებელთა პროფესიული განვითარების ეროვნული ცენტრი" (შემდგომში „შემსყიდველი“), წარმოდგენილი მისი დირექტორის გია მამულაშვილის სახით და მეორე მხრივ, შპს „დეგაპრინტი“ (შემდგომში „მიწოდებელი“), წარმოდგენილი დირექტორის ლაშა სოხაძის სახით, „სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „ს“ ქვეპუნქტის საფუძველზე, ევროკავშირის მიერ დაფინანსებული პროექტის „eTwinningPlus“ ფარგლებში, ვდებთ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებული ტერმინთა გარმარტებები

- 1.1. "ხელშეკრულება სახელმწიფო შესყიდვების შესახებ" (შემდგომში "ხელშეკრულება") - შემსყიდველსა და მიწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;
- 1.2. "ხელშეკრულების ღირებულება" - საერთო თანხა, რომელიც უნდა გადაიხადოს შემსყიდველმა მიწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. "დღე", "კვირა", "თვე" - კალენდარული დღე, კვირა, თვე;
- 1.4. "შემსყიდველი" - ორგანიზაცია, რომელიც ახორციელებს შესყიდვას;
- 1.5. "მიწოდებელი" - პირი, რომელიც ახორციელებს მიწოდებას ხელშეკრულების ფარგლებში;
- 1.6. "შესყიდვის ობიექტი" - წინამდებარე ხელშეკრულების მე-2 მუხლით გათვალისწინებული ხელშეკრულების საგანი;

მუხლი 2. ხელშეკრულების საგანი და ხელშეკრულების საგნის მახასიათებლები

- 2.1. წინამდებარე ხელშეკრულების საგანს წარმოადგენს შემსყიდველის მიერ ევროკავშირის მიერ დაფინანსებული პროექტის „eTwinningPlus“ ფარგლებში, ლოგოტიპიანი საკანცელარიო ნივთების - cpv30192000 (პროექტის და მასწავლებელთა პროფესიული განვითარების ეროვნული ცენტრის ლოგოებით) შესყიდვა .
- 2.2. მისაწოდებელი საქონელი:
 - 2.2.1. საწერი კალამი- cpv 30192121, თეთრი ფერის მეტალიკი, სენატორის ფირმის.
რაოდენობა-300 ცალი;
 - 2.2.2. ფანქარი- cpv 30192130, შავი ფერის, ოქროსფრად ამოტივტივებული ლოგოთი; რაოდენობა-300 ცალი;
 - 2.2.3. ბეიჯი- cpv30192000 ლამინირებული ცალმხრივი ბეჭდვით, ლურჯი ლენტით; რაოდენობა-300 ცალი;
- 2.3. მიწოდებელი ამზადებს შესყიდვის ობიექტს შემსყიდველის მხრიდან მიწოდებული ლოგოების საფუძველზე.

მუხლი 3. ხელშეკრულების ღირებულება

- 3.1. ხელშეკრულების საერთო ღირებულება შეადგენს 2268.00 (ორი ათას ორას სამოცდარვა) ლარს.
 - 3.1.1. კალმების ღირებულება-300 ცალი*5 ლარი-1500.00(ერთი ათას ხუთასი) ლარი;
 - 3.1.2. ფანქრების ღირებულება-- 300 ცალი*0,90ლარი--270.00(ორას სამოცდაათი) ლარი;
 - 3.1.3 ბეიჯის ღირებულება- 300 ცალი*1.66 ლარი-498.00(ოთხას ოთხმოცდა თვრამეტი) ლარი.
- 3.2. წინამდებარე ხელშეკრულების ღირებულებაში შედის ლოგოს გაკეთების და პროდუქციის ადგილზე მოტანის (ტრანსპორტირების) და საქართველოს კანონმდებლობით დადგენილი ყველა გადასახადი.

მუხლი 4. ანგარიშსწორების ფორმა და ვადები

- 4.1. შემსყიდველის მიერ მიწოდებელთან ანგარიშსწორება ხორციელდება უნაღდო ანგარიშსწორების წესით ეროვნულ ვალუტაში ფაქტიურად მიწოდებული საქონლის შესაბამისად.
- 4.2. მიწოდებელთან ანგარიშსწორება განხორციელდება მიღება-ჩაბარების აქტის, სასაქონლო ზედნადების/ანგარიშ ფაქტურის წარმოდგენიდან 15 (თხუთმეტი) სამუშაო დღის ვადაში.

მუხლი 5. საქონლის მიწოდების ვადები, მიღება-ჩაბარების წესი

- 5.1. საქონლის მიწოდების ვადა ეტაპობრივად, ხელშეკრულების გაფორმებიდან არაუგვიანეს 2013 წლის 20 დეკემბრისა.

- 5.2. მიმწოდებელმა საქონლის მიწოდება უნდა უზრუნველყოს შემდეგ მისამართზე: ქ. თბილისი, გმირ კურსანტთა 1, მასწავლებელთა პროფესიული განვითარების ეროვნული ცენტრი;
- 5.3. შემსყიდველი მიწოდებული საქონლის თაობაზე მიმწოდებელთან აფორმებს მიღება-ჩაბარების აქტს;
- 5.4. შემსყიდველის მხრიდან მიღება-ჩაბარების აქტზე ხელმოწერის უფლება ენიჭება სსიპ – მასწავლებელთა პროფესიული განვითარების ეროვნული ცენტრის მასწავლებელთა ინფორმაციულ-საკომუნიკაციო ტექნოლოგიების ტრენინგების და ევროსაბჭოსა და მასწავლებელთა პროფესიული განვითარების ეროვნული ცენტრის ერთობლივი პროგრამის "სკოლის მასწავლებელთა ონლაინ სისტემაში ჩართვა და დამეგობრება ევროპის ქვეყნის მასწავლებლებთან" კოორდინატორს ეკა ჯელაძეს.
- 5.4. მიმწოდებლის მიერ წინამდებარე ხელშეკრულების 4.2. პუნქტის შეუსრულებლობის გამო, თანხის გადაუხდელობის შემთხვევაში, მიმწოდებელი ვალდებულია შემსყიდველის გაფრთხილებიდან 10 დღის ვადაში მიაწოდოს მას ზემოაღნიშნულ პუნქტში მითითებული დოკუმენტაცია, წინამდებარე შემთხვევაში შემსყიდველი უფლებამოსილია მიიღოს გადაწყვეტილება ხელშეკრულების შეწყვეტის თაობაზე;

მუხლი 6. მხარეთა უფლებები

6.1. მიმწოდებელს უფლება აქვს:

სახელშეკრულებო ღირებულების ფარგლებში მოითხოვოს ფაქტიურად მიწოდებული საქონლის ღირებულების დროული გადახდა;

6.2. შემსყიდველს უფლება აქვს:

- 6.2.1. მოითხოვოს ხარისხიანი საქონლის მიწოდება წინამდებარე ხელშეკრულებით გათვალისწინებულ პირობებითა და ვადაში;
- 6.2.2. არ მიიღოს უხარისხო/ნაკლოვანი საქონელი.
- 6.2.3. აწარმოოს ხელშეკრულების პირობების შესრულების მონიტორინგი;
- 6.2.4. დროულად განიხილოს მიმწოდებლის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

მუხლი 7. მხარეთა ვალდებულებები:

7.1. მიმწოდებელი ვალდებულია:

- 7.1.1. წინამდებარე ხელშეკრულებით გათვალისწინებულ ვადებში ხარისხიანად შეასრულოს ხელშეკრულებით განსაზღვრული ვალდებულებები.
- 7.1.3. დროულად განიხილოს შემსყიდველის მიერ წამოჭრილი პრობლემები, რომლებიც დაკავშირებულია წინამდებარე ხელშეკრულების შესრულებასთან;
- 7.1.4. მიაწოდოს შემსყიდველს უნაკლო საქონელი და შეცვალოს წუნდებული საქონელი საკუთარი ხარჯით, ტრანსპორტირების ჩათვლით.
- 7.1.5. მიმწოდებლის ვალდებულება მომსახურების გაწევაზე ითვლება შესრულებულად საქონლის მიწოდების შემდეგ შემსყიდველის მიერ მიღება-ჩაბარების აქტის გაფორმების მომენტიდან. წინამდებარე ხელშეკრულებით ნაკისრი ვალდებულების შესრულებასთან ერთად, მიმწოდებელი ვალდებულია გადასცეს შემსყიდველს ყველა შესაბამისი დოკუმენტი;
- 7.1.6. თუკი მიწოდებული საქონელი აღმოჩნდა უხარისხო, მიმწოდებელი ვალდებულია, შემსყიდველის მოთხოვნისთანავე, გამოასწოროს ეს ნაკლი საკუთარი ხარჯით.

7.2. შემსყიდველი ვალდებულია:

უზრუნველყოს მიმწოდებლისათვის თანხის გადახდა წინამდებარე ხელშეკრულების 4.2 პუნქტის შესაბამისად.

მუხლი 8. ფორს-მაჟორი

- 8.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 8.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღალავ და მათგან დამოუკიდებელ გარემოებებს, რომლებიც არ არის დაკავშირებული შემსყიდველისგან/და მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით „შემსყიდველის“ საბიუჯეტო ასიგნებების მკვეთრი შემცირებით და სხვა.

8.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოძწვევი მიზეზების შესახებ.

მუხლი 9. ხელშეკრულების პირობების და ღირებულების გადასინჯვა

- 9.1. თუ წინასწარი გაუთვალისწინებელი მიზეზების გამო წარმოიშობა წინამდებარე ხელშეკრულების პირობების შეცვლის აუცილებლობა, ცვლილებების შეტანის ინიციატორი მხარე ვალდებულია წინასწარ, ცვლილების განხორციელებამდე მინიმუმ ორი სამუშაო დღით ადრე, წერილობით შეატყობინოს მეორე მხარეს შესაბამისი ინფორმაცია;
- 9.2. წინამდებარე ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება წინამდებარე ხელშეკრულების ჯამური ღირებულება ან უარესდება წინამდებარე ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა. წინამდებარე ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 9.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, წინამდებარე ხელშეკრულების ჯამური ღირებულების გაზრდა დაუშვებელია წინამდებარე ხელშეკრულების ღირებულების 10%-ზე მეტი ოდენობით.
- 9.4. წინამდებარე ხელშეკრულების პირობების ნებისმიერი ცვლილება უნდა გაფორმდეს მხარეთა შორის წერილობითი ფორმით, შეთანხმების სახით, რომელიც ჩაითვლება წინამდებარე ხელშეკრულების განუყოფელ ნაწილად.

მუხლი 10. სადავო საკითხების გადაწყვეტა

- 10.1. შემსყიდველმა და მიმწოდებელმა ყველა დონე უნდა იხმარონ, რათა შეთანხმებით მოაგვარონ ყველა უთანხმოება დავა, წარმოქმნილი მათ შორის წინამდებარე ხელშეკრულების ან მასთან დაკავშირებული სხვა გარემოების ირგვლივ;
- 10.2. თუ შემსყიდველი და მიმწოდებელი ვერ შეძლებენ 30 დღის ვადაში სადავო საკითხის შეთანხმებით მოგვარებას, მხარეებს შეუძლიათ დადგენილი წესის მიმართონ სასამართლოს საქართველოს კანონმდებლობის შესაბამისად.

მუხლი 11. ხელშეკრულების შესრულების შეფერხება

- 11.1. თუ წინამდებარე ხელშეკრულების შესრულების პროცესში მხარე წააწყდება რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოძწვევი მიზეზების შესახებ. შეტყობინების მიმღებმა მხარემ 10 დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით.
- 11.2. იმ შემთხვევაში, თუ წინამდებარე ხელშეკრულების პირობების შესრულების შეფერხების გამო, მხარეები შეთანხმდებიან წინამდებარე ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანი (შეთანხმების) გზით.

მუხლი 12. მხარეთა მიერ ვალდებულებების შეუსრულებლობა

- 12.1. შემსყიდველი უფლებამოსილია წინამდებარე ხელშეკრულებით გათვალისწინებული პირობებისა და ნაკისრი ვალდებულებების შეუსრულებლობის ან/და არაჯეროვნად შესრულების გამო დააკისროს მიმწოდებელს, ხოლო ასეთ შემთხვევაში მიმწოდებელი ვალდებულია გადაუხადოს პირგასამტეხლო სახელშეკრულებო ღირებულების 1%-ის ოდენობით;
- 12.2. შემსყიდველი უფლებამოსილია ხელშეკრულებით გათვალისწინებული პირობებისა და ნაკისრი ვალდებულებების შესრულების ვადების გადაცილების შემთხვევაში დააკისროს მიმწოდებელს, ხოლო ასეთ შემთხვევაში მიმწოდებელი ვალდებულია გადაიხადოს პირგასამტეხლო წინამდებარე ხელშეკრულების ღირებულების 1%-ის ოდენობით ყოველ გადაცილებულ დღეზე.
- 12.3. გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს, ხოლო ასეთ შემთხვევაში შემსყიდველი ვალდებულია გადაიხადოს პირგასამტეხლო გადაუხდელი თანხის 1%-ის ოდენობით ყოველ გადაცილებულ დღეზე.

12.4. იმ შემთხვევაში თუ ვადების გადაცდენისათვის დაკისრებული პირგასამტებლოს ჯამური ოდენობა გადააჭარბებს ხელშეკრულების ღირებულების 3%-ს, შემსყიდველს ან/და მიმწოდებელს უფლება აქვთ ცალმხრივად შეწყვიტონ წინამდებარე ხელშეკრულება;

12.5 საჯარიმო თანხების გადახდა არ ათავისუფლებს მხარეებს ძირითადი ვალდებულებების შესრულებისაგან;

13. ხელშეკრულების კონტროლი

13.1. წინამდებარე ხელშეკრულების შესრულებაზე კონტროლს სსიპ – მასწავლებელთა პროფესიული განვითარების ეროვნული ცენტრის მასწავლებელთა ინფორმაციულ-საკომუნიკაციო ტექნოლოგიების (ისტ) ტრენინგების და ევროსაბჭოსა და მასწავლებელთა პროფესიული განვითარების ეროვნული ცენტრის ერთობლივი პროგრამის "სკოლის მასწავლებელთა ონლაინ სისტემაში ჩართვა და დამეგობრება ევროპის ქვეყნის მასწავლებლებთან" კოორდინატორს ეკა ჯელაძეს.

13.2. შემსყიდველს უფლება აქვთ განახორციელონ გაწეული მომსახურების ხარისხის კონტროლი.

13.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა დაუყოვნებლივ.

14. ხელშეკრულების ენა

წინამდებარე ხელშეკრულება, მასთან დაკავშირებული ყველა მოლაპარაკებები და სხვა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე.

15. ხელშეკრულების შეწყვეტა

15.1. წინამდებარე ხელშეკრულება შესაძლოა შეწყვეტილ იქნეს:

15.1.1. მხარეთა შეთანხმებით;

15.1.2. საქართველოს მოქმედი კანონმდებლობით და წინამდებარე ხელშეკრულებით გათვალისწინებულ სხვა შემთხვევებში;

16. ხელშეკრულების მოქმედების ვადა

წინამდებარე ხელშეკრულება ძალაშია მხარეთა ხელმოწერის დღიდან და მოქმედებს 2013 წლის 30 იმბრის ჩათვლით.

17. განსაკუთრებული პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად და ინახება ორი ეგზემპლარი შემსყიდველთან, ერთი ეგზემპლარი მიმწოდებელთან.

შესყიდველი
ს.ს.ი.პ. "მასწავლებელთა პროფესიული
განვითარების ეროვნული ცენტრი"

საიდენტიფიკაციო კოდი: 202374251

მისამართი: ქ. თბილისი, გმირ კურსანტთა ქ. #1

0167, თბილისი, საქართველო

საბელმწიფო ხაზინა

კოდი: 120101222, ა/ა: 200122900

გია მამულაშვილი

დირექტორი



მიმწოდებელი
შპს „დეგაპრინტი“

ს/კ204444477

მის.: ქ. თბილისი, ვირსალაძის 8

ს.ს. „თიბისი ზანკი“

გ.კ. TBGBGE22

ა.ა. GE41TB0600000101467543

